



Broj: 11-04-38-17420 /17
Sarajevo, 03.07.2017. godine

SKUPŠTINA KANTONA SARAJEVO
n/r Ane Babić, predsjedavajuća Skupštine Kantona Sarajevo

-ovdje-

ZASTUPNIČKO PITANJE


Poslanik /zastupnik Zvonko Marić na 29. Radnoj sjednici Skupštine Kantona Sarajevo, održanoj dana 10.05.2017. godine, u okviru tačke Dnevnog reda, „Zastupnička pitanja, inicijative i odgovori“ u skladu sa Poslovnikom Skupštine Kantona Sarajevo, postavio je **poslaničko / zastupničko pitanje vezano za „Srednjoškolski centar Hadžići“**.

Ministarstvo za obrazovanje, nauku i mlade Kantona Sarajevo uputilo je direktoru „Srednjoškolskog centra Hadžići“ postavljeno pitanje u pisanoj formi i zatražilo da odmah Ministarstvu za obrazovanje, nauku i mlade Kantona Sarajevo dostavi odgovor u pisanoj formi na postavljeno zastupničko pitanje.

Iz dostavljenog odgovora evidentno je da je škola postupila u skladu sa zakonskim propisima i Pravilnikom škole, te da odbacuju sve navedene optužbe.


U prilogu akta dostavljamo Vam odgovor na postavljeno pitanje i zaključak Školskog odbora koje smo zaprimili od direktora „Srednjoškolskog centra Hadžići“.

S poštovanjem,



Prof. dr. Elvir Kazazović





BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
JU SREDNJOŠKOLSKI CENTAR HADŽIĆI

Djelovodni broj: 02-05-7-1516/2017

Datum. 27.06.2017.godine

28-06-2017

11

KANTON SARAJEVO
MINISTARSTVO ZA OBRAZOVANJE, NAUKU I MLADE
REISA DŽEMALUDINA ČAUSEVIĆA 1
71000 SARAJEVO

PREDMET: Dostava odgovora na zastupničko pitanje Zvonke Marića

Poštovani,

Na osnovu Vašeg akta broj: 11-04-38-sl./17 od 30.05.2017.godine, u prilogu akta Vam dostavljamo :


- odgovor na zastupničko pitanje broj: 01-05-7-1452/2017 od 19.6.2017.godine
- Zaključak Školskog odbora broj: 06-49-1-1481/2017 od 21.06.2017.godine

S poštovanjem,



DIREKTOR

[Redacted Signature] ing.maš



BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
JU SREDNJOŠKOLSKI CENTAR HADŽIĆI

Djelovodni broj: 01-05-7- 1452/2017

Datum: 19.06.2017. godine

KANTON SARAJEVO
MINISTARSTVO ZA OBRAZOVANJE NAUKU I MLADE

PREDMET: Dostava odgovora,

Poštovani,

Na osnovu Vašeg akta broj: 11-04-38-sl./17 od 30.05.2017. godine dostavljamo Vam odgovor na zastupničko pitanje gospodina Zvonko Marića:

U svom zastupničkom pitanju uvaženi zastupnik Marić iznosi niz neprovjerenih i netačnih konstatacija i optužbi na račun naše ustanove. U svom odgovoru naša ustanova je koristila isključivo relevantnu dokumentaciju kojom raspolaže i koja je veoma lahko dostupna. Moramo izraziti svoje iznenađenje ovakvim postupkom uvaženog zastupnika Marića pogotovu što je jedno vrijeme i sam bio uposlenik ove ustanove i veoma lahko je mogao provjeriti sve činjenice i konstatacije koje je iznio u svom zastupničkom pitanju:

1. „ Protivzakonit prijem „

Školski odbor JU Srednjoškolski centar Hadžići na osnovu saglasnosti ministarstva za obrazovanje, nauku i mlade Kantona Sarajevo broj: 11-34-24650-29/16 od 01.08.2016. godine donijelo je odluku o raspisivanju konkursa za popunu upražnjenih radnih mjesta broj: 06-49-1-2098/2016 od 23.08.2016. godine. Konkurs je objavljen u dnevnom novinama „Dnevni avaz „ dana 25.08.2016. godine i na zvaničnoj web stranici škole. Nakon provedene konkursne procedure, odnosno na osnovu Rang liste i Izvještaja komisije direktor je donio Odluku o izboru zaposlenika broj: 01-49-3-4818/2016 od 10.10.2016. godine kojom je izabrana trećerangirana Bužo Mirela.

U skladu sa članom 17. Pravilnika sa kriterijima za prijem zaposlenika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo („Službene novine Kantona Sarajevo“ broj: 3/2013), direktor je donio odluku o izboru trećerangirane kandidatkinje s obzirom da ima položen stručni ispit, što znači da je osposobljena za samostalan rad u odnosu na drugorangiranu kandidatkinju.

Drugorangirana kandidatkinja uputila je prigovor na Odluku direktora o izboru i postavljanju kandidata po raspisanom konkursu za radno mjesto nastavnik/nastavnica ekonomske grupe predmeta na određeno vrijeme do 31.08.2017. godinu.

Školski odbor donio je Odluku o odbijanju prigovora na Odluku direktora o izboru kandidata po raspisanom konkursu broj: 06-49-1-5076/2016 od 21.10.2016. godine, kao neosnovan i neutemeljen.

Kantonalna uprava za inspekcijske poslove, Inspektorat rada, zaštite na radu, socijalne zaštite i prosvjetne inspekcije, po osnovu podnesene predstavke u kojoj se navodi nepravilnosti u konkursnoj proceduri koja je provedena u JU Srednjoškolski centar Hadžići, dana 02.11.2016., godine izvršila je neposredni uvid u relevantnu dokumentaciju i donijela Rješenje broj: UP-1-14-09-38-16851/16-09/28 od 07.11.2016. godine.

Kantonalni inspektor je dana 21.12.2016. godine izvršila kontrolu izvršenja rješenja te konstatovala da je upravna mjera naložena rješenjem **izvršena**.

Dakle, iz naprijed navedenog proizilazi da nije izvršen protivzakonit prijem kandidata po raspisanom javnom konkursu. **Stoga nas čudi konstatacija uvaženog zastupnika Marića u njegovom zastupničkom pitanju (protivzakonit prijem i bespravno primljena) na osnovu čega i kojih valjanih dokaza je iznio ovako teške optužbe na račun naše ustanove.**

2. „... jedan od boljih i istaknutijih učenika (B.M)“

Uvidom u Odjeljensku knjigu 3₁₀ odjeljenja možemo dati sljedeće podatke za učenika (B.M.):

IZOSTANCI UČENIKA(B.M.) U TOKU ŠKOLSKE GODINE

I POLUGODIŠTE

Red. br.	Dan	Datum	Redni broj časa	Ukupno časova	pravda no	Neopravdano	Ko je pravdao
1.	Petak	16.09.2016.	1,2,3,4	4	4		Roditelj
2.	Srijeda	21.09.2016.	1, 7	2	2		Ljarsko
3.	Petak	23.09.2016.	1,2,3,4	4	4		Ljarsko
4.	Ponedjeljak	26.09.2016.	1	1	1		Preoz
5.	Petak	30.09.2016.	1,2	2	2		Roditelj
6.	Ponedjeljak	03.10.2016.	1	1	1		Kašnjenje
7.	Četvrtak	06.10.2016.	1	1	1		Prevoz
8.	Petak	07.10.2016.	1,2	2	2		Roditelj
9.	Ponedjeljak	10.10.2016.	1	1	1		Prevoz
10.	Utorak	11.10.2016.	2,3	2	2		Prevoz
11.	Četvrtak	13.10.2016.	1,2,3,4,5,6,7	7	7		Roditelj
12.	Petak	14.10.2016.	1	1	1		Prevoz
13.	Četvrtak	20.10.2016.	1,2,3,4,5,6,7	7	7		Roditelj
14.	Petak	21.10.2016.	1	1	1		Prevoz
15.	Srijeda	02.11.2016.	3,4	2	2		Roditelj
16.	Petak	04.11.2016.	7	1		1	
17.	Ponedjeljak	07.11.2016.	1, 7	2	1	1	Prevoz
18.	Petak	11.11.2016.	1,2	2	2		Roditelj
19.	Ponedjeljak	14.11.2016.	1	1	1		Roditelj
20.	Ponedjeljak	21.11.2016.	1	1	1		Prevoz
21.	Petak	02.12.2016.	1	1	1		Prevoz
22.	Srijeda	07.12.2016.	2	1		1	
23.	Ponedjeljak	19.12.2016.	1,2	2	2		Prevoz
24.	Srijeda	21.12.2016.	5 ,7	2	2		Razrednik
25.	Petak	23.12.2016.	1,2	2	2		Razrednik
26.	Utorak	27.12.2016.	3,4,5,6,7	5	5		
27.	Srijeda	28.12.2016.	5	1		1	
28.	Petak	30.12.2016.	1	1	1		Prevoz
UKUPNO:				60	56	4	

II POLUGODIŠTE

Red. br.	Dan	Datum	Redni broj časa	Ukupno časova	Opravdano	Neopravdano	Ko je pravdao
1.	Petak	03.02.2017.	1	1	1		Prevoz
2.	Srijeda	08.02.2017.	1	1	1		Prevoz
3.	Srijeda	15.02.2017.	1	1	1		Prevoz
4.	Ponedjeljak	20.02.2017.	1	1		1	
5.	Srijeda	22.02.2017.	1	1		1	
6.	Petak	24.02.2017.	1,2	2		2	
7.	Ponedjeljak	27.02.2017.	7	1		1	
8.	Utorak	28.02.2017.	5	1		1	
9.	Ponedjeljak	06.03.2017.	7	1		1	
10.	Petak	10.03.2017.	1,2	2	1	1	Prevoz
11.	Petak	17.03.2017.	1	1	1		Prevoz
12.	Srijeda	22.03.2017.	5	1	1		Prevoz
13.	Ponedjeljak	27.03.2017.	1, 3	2		2	
14.	Utorak	28.03.2017.	2,3,4	3	1	2	
15.	Petak	31.03.2017.	5,6,7	3		3	
16.	Ponedjeljak	03.04.2017.	7	1		1	
17.	Utorak	04.04.2017.	1	1		1	Zakasnio
18.	Srijeda	05.04.2017.	1,2,3,4,5,6,7	7	7		Ljekarsko
19.	Ponedjeljak	10.04.2017.	6	1		1	
20.	Srijeda	12.04.2017.	5	1		1	
21.	Petak	14.04.2017.	1,2,3,4,5,6,7	7		7	
22.	Srijeda	19.04.2017.	7	1		1	
23.	Petak	21.04.2017.	1	1		1	Prevoz
24.	Utorak	25.04.2017.	1	1			
25.	Četvrtak	04.05.2017.	2,3,4,5,6,7	6	6		Roditelj
26.	Ponedjeljak	08.05.2017.	1,2,3	3	3		Razrednik
UKUPNO:				52	24	28	
UKUPNO ZA ŠKOLSKU GODINU				112	80	32	

Iz prikazane evidencije vidljivo je da je učenik (B. M.) ukupno izostajao sa nastave tokom 54 radna dana od ukupno 150 radnih dana. Izostajanje je bilo u kontinuitetu od 1 do 7 časova. Jedan čas dnevno izostajao ukupno 30 puta. Dva časa dnevno izostajao ukupno 13 puta. Tri časa dnevno izostajao ukupno 3 puta. Četiri časa dnevno izostajao ukupno 2 puta. Pet časova dnevno izostajao je 1 put. Šest časova dnevno izostajao je 1 put. Sedam časova dnevno je izostajao 4 puta. Iz gore prikazane evidencije uočljivo je da je učenik najviše izostajao po jeda i dva časa dnevno.

Vladanje:

28.02.2017. godine –Ukor razrednika zbog 10 neopravdanih izostanka – vladanje vrlo dobro
10.03.2017. godine – Ukor Odjeljenjskog vijeća zbog 11 neopravdanih izostanka – vladanje dobro
04.04.2017. godine – Ukor direktora zbog 21 neopravdanog izostanka - vladanje zadovoljava
03.05.2017. godine – Ukor Nastavničkog vijeća zbog 32 neopravdana izostanka – vladanje loše.

Uvidom u Odjeljensku knjigu može se konstatovati da je učeniku (M.B.) ocjena iz vladanja smanjivana isključivo zbog neopravdanih izostanaka, i nijedan drugi razlog nije naveden.

Učenik je tokom školske godine zapisivan i u napomenu u dnevniku rada Odjeljenske knjige, zbog nediscipline i to :

13.03.2017. godine

20.03.2017. godine

12. 04.2017. godine

Ova zapisivanja nisu uticala na ocjenu iz vladanja kod učenika.

Dalje, što se tiče bilo kakvog pritiska, uvidom u odjeljensku knjigu može se konstatovati da je učenik na polugodištu imao vrlodobar uspjeh i primjerno vladanje. Pokušaj peticije je bio 20.10.2016.godine, zar učenik sa ovakvim uspjehom može imati nekakav pritisak. Na kraju školske godine učenik ima uspjeh vrlodobar i ocjenu iz vladanja zadovoljava isključivo zbog izostanaka.

Stoga nas čudi konstatacija uvaženog zastupnika Marića u njegovom zastupničkom pitanju („. jedan od boljih i istaknutijih učenika(B.M)“) na osnovu čega i kojih valjanih dokaza je iznio ovu konstataciju.

3. „Predmet praktična nastava“

Što se tiče predmeta praktična nastava učenik (B.M.) je pohađao dva dana sedmično po 7 časova i to ponedjeljkom u školi, i četvrtkom u preduzeću Peny Plus.

Iz evidencije izostanaka može se jasno vidjeti da je učenik (B.M.) izostajao iz svih nastavnih predmeta podjednako, ali zbog fonda sati sedmično praktične nastave (7 + 7 časova) procentualno gledano tu je imao čak najmanje izostanaka.

4. „Festival rada“

Što se tiče IX Festivala srednjih tehničkih i stručnih škola koji je ove godine održan u Hadžićima , domaćin je bila naša škola. Naša škola je tom prilikom ugostila oko 1200 učenika i nekoliko stotina njihovih mentora iz čitave Bosne i Hercegovine. Moramo istaći činjenicu da je to bio dosad najuspješniji Festival rada srednjih tehničkih i stručnih škola BiH i da je organizacija bila besprijekorna, zbog čega smo dobili brojne pohvale. Što se tiče učešća učenika u takmičarskom dijelu Festivala, njih isključivo određuju predmetni nastavnici stručno teoretskih predmeta. Tako je za zanimanje trgovac mentor bila nastavnica ekonomske grupe predmeta Agić Nermina. Nastavnica Agić je odabrala da našu školu za zanimanje trgovac predstavlja učenica trećeg razreda Tabak Midheta. Nastavnica Agić Nermina učeniku (B.M.) je predavala predmet ekonomika trgovinskih preduzeća iz kojeg je učenik (B.M.) imao na polugodištu ocjenu dovoljan 2 kao i na kraju školske godine.

Ovom prilikom izražavamo svoje čuđenje odakle nekom uopće ideja da bi učenik sa ovakvom ocjenom iz relevantnog predmeta kao i ovolikim brojem izostanaka i ocjenom iz vladanja trebao da predstavlja našu školu na ovako značajnom takmičenju. Ovom prilikom takođe ističemo i činjenicu da je naša škola dodjelila više od 120 zahvalnica učenicima koji su učestvovali u organizaciji ovog festivala, i time dali svoj doprinos u izuzetno dobro organizovanom Festivalu rada. Angažman učenika je bio isključivo dobrovoljan i učenik (B.M.) nije uzeo nikakvo učešće.

5. „Peticija“

Što se tiče tzv. peticije istina je da je učenik pokušao predati direktoru nekakav papir na kojem je rekao da su potpisi od 20.10.2016. godine. Na upit direktora kod koga ima čas učenik se udaljio. Poslije nekoliko dana razredni starješina je doveo učenika na razgovor kod direktora gdje mu je pojašnjeno da ima pravo iznijeti bilo koji problem na odjeljenskoj zajednici, a dalje njihov predstavnik na vijeće učenika.

Takođe, mu je pojašnjeno da njegov roditelj ima pravo iznijeti svaki problem na roditeljskom sastanku i dalje ga delegirati na vijeće roditelja. Međutim, niko nikada ništa nije iznio kao problem. Učenik tada nije uopšte kažnjen. Dana 20.10.2016. godine po rasporedu učenik je imao časove praktične nastave koju obavlja u firmi Peny plus Mostarsko raskršće. Međutim, umjesto na nastavi učenik je po školi prikupljao potpise. Koordinator za praktičnu nastavu je uredno evidentirao te izostanke u Odjeljensku knjigu. Na insistiranje oca, te izostanke (7 časova) razrednik je pravdao. Što se tiče bilo kakvog pritiska može se jasno vidjeti dinamika i intenzitet izostajanja sa nastave tokom čitave godine pa tako i do 20.10.2016. godine i poslije tog datuma nema apsolutno nikakvih promjena niti odstupanja.

6. „Matursko veče“

Našu školu pohađa 782 učenika raspoređenih u 32 odjeljenja. Tokom godine učenicima su izricani razni ukori sve do ukora Nastavničkog vijeća. Odlukom Nastavničkog vijeća učenici koji imaju loše vladanje ne mogu učestvovati na događajima u organizaciji škole, van objekta škole koji su dobrovoljnog karaktera kao što su: izleti, ekskurzije i maturalne večeri. S obzirom da su sve izrečene mjere odgojnog karaktera na kraju školske godine na prijedlog učenika, roditelje ili razrednika može se ukinute određeni ukor, tj. ocjena iz vladanja popraviti.

Nastavničko vijeće je na svojoj 19. sjednici na prijedlog učenika, roditelja i razrednika ukinulo ukor Nastavničkog vijeća i popravilo ocjenu iz vladanja za ukupno 19 učenika maturanata naše škole. Među tim učenicima nalazi se i ovaj učenik za koga je razrednik podnio prijedlog.

Moramo izraziti čuđenje kako uvaženi zastupnik Marić ne pominje ovih preostalih 18 učenika ili čak njih 763 koji nemaju loše vladanje i ispunjavaju uredno sve svoje obaveze.


Na kraju moramo izraziti svoje iznenađenje ovakvom konstatacijom uvaženog zastupnika Marića pogotovu što je jedno vrijeme i sam bio uposlenik ove ustanove i veoma dobro zna da učenici pored prava imaju i obaveze. Jedna od važnijih obaveza je da učenici redovno pohađaju nastavu.

Ovom prilikom moramo istaći i činjenicu da je uvaženi zastupnik Marić u novembru 2016. godine po okončanju konkursne procedure došao u našu školu na sastanak sa direktorom škole Ejubović Selverom. Tom prilikom uvaženi zastupnik je insistirao da se za poziciju nastavnika ekonomske grupe predmeta izabere Dupovac Sanda jer je on Zastupnik u Skupštini Kantona Sarajevo i član raznih Komisija Skuštine Kantona Sarajevo i da će on iskoristiti svoj utjecaj da se izvrši pritisak na direktora škole da zaposli po svaku cijenu Dupovac Sandu.

Na kraju zamolili bi Vas da u cilju provjere vjerodostojnosti kako naših podataka tako i konstatacija i iznesenih optužbi u zastupničkom pitanju uvaženog zastupnika Marića na naš račun zatražite inspekcijски nadzor kojem bi mogli (bilo bi poželjno) prisustvovati i članovi pojedinih Skupštinskih komisija relevantnih za ovu oblast.

S poštovanjem,


DIREKTOR
Ejubović  dipl.ing.maš.



BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
JU SREDNJOŠKOLSKI CENTAR HADŽIĆI


Broj: 06-49-1-1481/2017



Datum: 21.06.2017. godine

Na osnovu člana 35. Poslovnika o radu Školskog odbora JU Srednjoškolski centar Hadžići broj: 06-49-1-4926-1/2014 od 20.11.2014.godine, člana 153. Pravila JU Srednjoškolski centar Hadžići broj: 06-49-1-3884/2015 od 14.09.2015.godine, Školski odbor na sjednici održanoj 21.06.2017.godine po pitanju razmatranja akta Ministarstva za obrazovanje, nauku i mlade Kantona Sarajevo broj 11-04-38-sl./17 od 30.05.2017. godine jednoglasno d o n o s i

ZAKLJUČAK

1. Prihvata se podnesena informacija direktora JU Srednjoškolski centar Hadžići po pitanju provođenja postupka prijema u radni odnos lica imenovanog u zastupničkom pitanju koji je prilog aktu Ministarstva za obrazovanje, nauku i mlade Kantona Sarajevo broj 11-04-38-sl./17 od 30.05.2017. godine.
2. Prihvata se podnesena informacija koja se odnosi na provedene odgojno disciplinske mjere za učenika imenovanog u zastupničkom pitanju koji je prilog aktu, broj i datum iz tačke 1. ovog Zaključka.
3. Odgovor na zastupničko pitanje zastupnika u Skupštini Kantona Sarajevo dostaviti Ministarstvu za obrazovanje, nauku i mlade Kantona Sarajevo broj:01-05-7-1452/2017 od 19.06.2017.godine
4. Za realizaciju tačke 3. ovog Zaključka zadužuje se direktor i sekretar škole.




 RA